



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**11 Mei 2023
20 Syawal 1444H**

SENARAI AKHBAR	TAJUK
Utusan Malaysia	<ul style="list-style-type: none">• LKIM jual ikan tanpa peraih• Ikan mahal: Dulu satu tong RM80, sekarang sampai RM200
Berita Harian	<ul style="list-style-type: none">•
Harian Metro	<ul style="list-style-type: none">•
Kosmo !	<ul style="list-style-type: none">•
Sinar Harian	<ul style="list-style-type: none">•
The Star	<ul style="list-style-type: none">•
New Straits Time	<ul style="list-style-type: none">•
Nanyang Siang Pau	<ul style="list-style-type: none">•
Malaysia Gazette	<ul style="list-style-type: none">•
Harakah	<ul style="list-style-type: none">•
Malaysiakini	<ul style="list-style-type: none">•
Bernamea	<ul style="list-style-type: none">•
Borneo Post (KK)	<ul style="list-style-type: none">•
Guan Ming Daily	<ul style="list-style-type: none">•
Sabah Media	<ul style="list-style-type: none">•

UTUSAN MALAYSIA	/	KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN:		POSITIF		NEGATIF		NEUTRAL		5	11/5/2023

LKIM jual ikan tanpa peraih

Oleh MAISARAH SHEIKH RAHIM
maisarah.rahim@mediamula.com.my

PUTRAJAYA: Kewujudan orang tengah dalam kalangan peraih yang menindas golongan nelayan dengan memanipulasi harga hasil laut dibanteras melalui usaha memasarkan terus hasil tangkapan mereka kepada pengguna.

Dalam usaha itu, Lembaga Kemajuan Ikan Malaysia (LKIM) membangunkan dan menambah bilangan Pasar Nelayan demi memendekkan rantaian pemasaran sekali gus membantu nelayan memperoleh margin pulangan lebih menguntungkan.

Bercakap kepada *Utusan Malaysia*, Ketua Pengarahnya, Yusuff Othman berkata, ketika ini sejumlah 135 Pasar Nelayan dibangunkan melibatkan 646 peserta di seluruh negara dengan memperkenalkan program

jualan 'Dari Nelayan Terus Ke Dapur' agar pengguna dapat menikmati hasil laut yang segar dengan harga berpatutan.

Menurut beliau, pihaknya turut menjenamakan semula Program Ikan Rakyat LKIM yang diperkenalkan bermula 2013 dengan kini memperkenalkan produk QFISH bagi menyahut saranan Perdana Menteri, 'Datuk Seri Anwar Ibrahim dalam membantu menstabilkan harga ikan sekali gus mengurangkan impak peningkatan kos sara hidup rakyat.

"Produk ikan QFISH adalah ikan segar yang dibekukan menggunakan teknologi Individual Quick Freezing (IQF) dan diedarkan ke outlet QFISH yang terpilih dan jualan secara langsung di pelbagai lokasi oleh 16 pembekal.

"Sebanyak lapan spesies ikan kegemaran rakyat dipilih iaitu ikan Kembung, Selar, Pelaling,

Selayang, Cencaru, Tilapia, Keli dan Tongkol dengan harga jualan maksimum RM10 sekilogram," kata beliau baru-baru ini.

Yusuff berkata, pada masa sama, Persatuan Nelayan di dalam Program Pemasaran Ikan bertindak dengan membeli ikan daripada nelayan dengan harga lebih baik bagi mengelakkan penindasan oleh peraih lain.

Beliau memberitahu, terdapat 41 Persatuan Nelayan yang aktif dalam program ini melibatkan jumlah urus niaga yang direkodkan bagi tahun lalu adalah sebanyak 3,016 metrik tan bernilai RM17 juta.

Jelasnya, selain pemasaran konvensional, saluran pemasaran baharu menerusi platform digital turut dimanfaatkan bagi meluaskan jaringan pemasaran melalui Persatuan Nelayan Kebangsaan (Nekmat).

"Nekmat turut memasarkan

produk perikanan secara atas talian menerusi platform Nekmatbiz.

"Selain itu, kerjasama turut diadakan dengan platform terkemuka seperti Shopee bagi memasarkan produk hasil laut terus kepada pengguna," katanya.

Baru-baru ini, Perdana Menteri berkata, kerajaan melaksanakan pelbagai usaha bagi mengawal harga barangan termasuk melaksanakan penjualan terus tanpa pembabitan orang tengah.

Situasi itu boleh dilihat jika barangan seperti sayur-sayuran, buah-buahan atau bahan mentah dibawa terus dari ladang.

Menurut Perdana Menteri, penghapusan peranan orang tengah boleh dilaksanakan dengan cara mengadakan pasar-pasar tani atau projek-projek seperti jualan agro bazar untuk mengawal harga barang.

UTUSAN MALAYSIA	/	KOSMO!		THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		5	11/5/2023

Ikan mahal: Dulu satu tong RM80, sekarang sampai RM200

MELAKA: Tiada kawalan di peringkat peraih dan pemborong dipercayai menjadi punca harga ikan semakin mahal di Melaka.

Tinjauan *Utusan Malaysia* di Pasar Besar Majlis Bandaraya Melaka Bersejarah (MBMB), Bachang di sini mendapati, rata-rata pembeli dan penjual yang ditemui mengeluh harga ikan naik mendadak sejak beberapa tahun kebelakangan ini.

Pembeli, Seri Dewi Dewa, 52, berkata, harga ikan dikesan mengalami peningkatan ketara selepas Perintah Kawalan Pergerakan (PKP) tamat dan trend itu berterusan tanpa ada usaha daripada pihak berwajib untuk mengawalinya.

Katanya, sebagai pembeli dia akan meninjau terlebih dahulu beberapa kedai untuk mencari harga lebih murah.

"Banyak tempat saya pergi tetapi harga tetap sama. Dulu ikan tenggiri RM28 sekilogram, sekarang RM36 sekilogram manakala kembung naik sehingga RM13 sekilogram berbanding RM8 sekilogram sebelum ini.

"Penjual memberi alasan mereka hanya mengikut harga pasaran. Kalau keadaan ini berterusan, bawa wang RM50 ke pasar pun belum tentu boleh beli seekor ikan," katanya.



JALAL Hassan menyusun ikan jualannya di gerainya di Pasar Besar MBMB, Bachang, Melaka. - UTUSAN/ MUHAMMAD SHAHIZAM TAZALI

Sementara itu, penjual ikan, Jalal Hassan, 50, mengakui ketiadaan kawalan di peringkat peraih dan pemborong menyebabkan harga ikan melambung tinggi.

Menurutnya, harga ikan yang semakin mahal menyebabkan jualannya merosot dan majoriti

peniaga kecil terpaksa memilih jenis ikan serta mencatu jumlah yang hendak dibeli daripada pemborong.

"Saya sebagai peniaga pun tersepit dengan kenaikan harga ini. Sebelum ini kos satu tong ikan adalah RM80 tetapi sekarang naik kepada RM200 hing-

ga RM300.

"Saya takut hendak ambil banyak kerana yang tidak habis dijual akan dibuang. Saya mohon kepada pihak berwajib segera pantau harga ikan kerana situasi sekarang sangat membebankan kepada penjual dan pembeli," katanya.